

॥ आयुष्यसूक्तम् ॥

यो ब्रह्मा ब्रह्मण उज्जहार प्राणैः शिरः कृत्तिवासाः पिनाकी।
ईशानो देवः स न आयुर्दधातु तस्मै जुहोमि हविषा
घृतेन॥१॥

विभ्राजमानः सरिरस्य मध्याद्रोचमानो घर्मरुचिर्य आगात्।
स मृत्युपाशानपनुद्य घोरानिहायुषेणो घृतमत्तु देवः॥२॥

ब्रह्मज्योतिर्ब्रह्मपत्नीषु गर्भं यमादधात् पुरुरूपं जयन्तम्।
सुवर्णरम्भग्रहमर्कमर्च्यं तमायुषे वर्धयामो घृतेन॥३॥

श्रियं लक्ष्मीमौबलामम्बिकां गां षष्ठीं च यामिन्द्रसेनैत्युदाहुः।
तां विद्यां ब्रह्मयोनिं सरूपां मिहायुषे तर्पयामो घृतेन॥४॥

दाक्षायण्यः सर्वयोन्यः स योन्यः सहस्रशो विश्वरूपा
विरूपाः। ससूनवः सपतयः सयूथ्या आयुषेणो घृतमिदं
जुषन्ताम्॥५॥

दिव्या गणा बहुरूपाः पुराणा आयुश्छिदो नः प्रमथन्तु
वीरान्। तेभ्यो जुहोमि बहुधा घृतेन मा नः प्रजां रीरिषो

मो॑त वी॒रान्॥६॥

ए॒कः पु॒रस्ता॑द्य इ॒दं बभू॑व॒ यतो॑ बभू॒व भुव॑नस्य गो॒पाः।
यम॑प्येति॒ भुव॑नं सा॒म्परा॑ये॒ स नो॑ ह॒विर्घृ॑तमिहायुषे॑त्तु
दे॒वः॥७॥

व॒सून् रु॒द्रा॒नादि॒त्यान् म॑रुतो॑ऽथ सा॒ध्यान् ऋ॑भून् य॒क्षान्
गन्ध॑र्वांश्च॒ पित॑रुंश्च॒ विश्वा॑न्। भृ॒गून् सर्पा॑ंश्चाङ्गि॒रसो॑ऽथ
स॒र्वान् घृ॑तं हु॒त्वा स्वा॑युष्या॒ मह॑या॒म श॑श्वत्॥८॥

विष्णो॑ त्वं नो॒ अन्त॑मः श॒र्म यच्छ॑ सह॒न्त्या प्र॑ते॒धारा॑ मधु॒श्चुत॑
उ॒थ्सं दु॒हते॑ अ॒क्षित॑म्॥९॥

॥ॐ शान्तिः॒ शान्तिः॒ शान्तिः॑॥